

Aen Gunghbau Aen Hoih Daengxcungq Baez Daihseiq Cunghyangh Veijyenzvei Gaiq Ngeihcib Cunghgoz Gungcanjdangj

(2025 nienz 10 nyied 23 hauh Aen Hoih Daengxcungq Baez Daihseiq Cunghyangh Veijyenzvei Gaiq Ngeihcib Cunghgoz Gungcanjdangj doenggvaq)

(ciep banj 2)

Cienzhohi daezok, gyavaiq ginghci sevei fazcanj cienj baenz yiengh loegsaek liuxcaez, cauhaeb aen Cungguek gyaunde. Laebmaenh caeuq hengzguh aen leixniemh raemx saw bya heu couh dwg bya gim bya ngaenz, aeu danqdaemxdingj danqcunghuz daeuj dazyinx, doengzseiz doihaeuj gyangq danq, gemj uq, dem loeg, demmaj, cukmaenh gaiq dangj hawj swnghdai ancienz, demrengz doinyoengx loegsaek hwnghat. Aeu lienzdaemh haeujlaeg doihaeuj gaiq hong haengrengz fuengzceih uqlah caeuq gaijndei swnghdai hidungj, gyavaiq laebguh aen diji nwngyenz yienghmoq, hwnjheiq onjdangq doihaeuj caeuq guh daengz danqdaemxdingj, gyavaiq cauxbaenz yiengh swnghcanj swnghhoz loegsaek.

Cienzhohi daezok, doicaenh aen diji caeuq gij naengzlig guekgia ancienz habngamj ciuhneix, hwnqguh aen Cungguek bingzan suiyingz engq sang. Dawzdingh hengzguh aen swhsiengj guekgia daengxbueng ancienz, byaij diuz roen ceihleix ndawbiengz yiengh sevei cuji miz gij daegsaek Cungguek, saedbauj ndawbiengz hwnghoengh fwdwd youh caezcingj mbouj luenh. Aeu laebcaez aen diji guekgia ancienz, gyarengz guh' ak gij bonjsaeh hawj lingyiz youqgaenj guekgia ancienz, daezsang gij suiyingz ceihleix yiengh ancienz caezcaemh, laebndei aen diji ceihleix ndawbiengz.

Cienzhohi daezok, ciuqgeiz guhbaenz aen moegbiu buekguh laebbaenz bingdohi bak bi, ciuq yiengh ceiq ndei bae doicaenh gozfangz caeuq bingdohi guhbaenz yendaiva. Hengzndei Aen Swhsiengj Siz Ginbingz Lwnh Ak Bing, hengzndei diuz canloz fuengcim bingsaeh seizdaih moq, dingjmaenh seizseiz yienghyiengh aeu dangj lingjdauj bingdohi yinzminz, hengzndei aen cidu ginhveij cujsiz rapdawz cwzyin, ciuq aen canloz moq "faen sam yamq byaij" hawj gozfangz caeuq bingdohi guhbaenz yendaiva, doicaenh baengh cwngci laeb bing, baengh gaijgwz ak bing, baengh gohgi ak bing, baengh vnzcaiz ak bing, baengh faplwd guenj bing, doq doucwng, doq bwhhoenx, doq hwnq ndei, gyavaiq aeu gihgaiva sinsizva cinwngzva yungzhab hwnghat, daj gwnz canloz gyaak bonjsaeh henhoh gij

cawjgienz, ancienz, leih' ik hwnghat guekgia. Aeu gyavaiq guh' ak gij rengzhoenxcienq maenhndei, doicaenh bingsaeh ceihleix hab ciuhneix, gyamaenh daezsang gij diji guekgia canloz caeuq gij naengzlig canloz gyoebbaenz cingjdaej haenz.

Cienzhohi daegbied gangj daengz, daengx dangj daengx guek gak cuz yinzminz aeu caez sim caemh hoz baedrengz guhbaenz aen gveihva "Cibhaj Haj". Gaemmaenh aeu dangj gag gaij bienq ndei bae dazyinx ndawbiengz gaij ndei, dingjanz mbouj soeng bae doihaeuj gaiq hong cienzmienh yiemzhaeng guenj dangj, hawj dangj engq miz gij bonjsaeh lingjdauj cwngci, yinxlingx swhsiengj, cujciz ginzcong, haucauh ndawbiengz, hawj dangj engq ak engq rox lingjdauj ginghci sevei fazcanj, vih doicaenh gij yendaiva yiengh Cungguek comzgiat gij rengzlig hungloet. Aeu dawzmaenh caeuq gyaak Dangjcunghyangh gyonjcomz lingjdauj, doicaenh laebguh yiengh minzcuj fapceih sevei cuji, lailai coihawj daengx biengz hwnjheiq bae, gagrox bae, cauhoq bae camgya hwnqguh gij yendaiva yiengh Cungguek. Coicaenh Yanggangj, Aumwnz ciengzgeiz mwnhoengh onjdingh, doinyoengx gij gvanhaeh song hamq hozbingz hwnghat, doihaeuj aen daihnieb guekcoj dungyiz, doinyoengx cauhaeb aen minghyinh caezcaemh vnz lajmbwn.

Cienzhohi vixok, dangnaj caeuq gvaqlaeng mboengq ndeu, hagndei hengzndei gij cingsaenz cienzhohi dwg aen cwngci yinvu hungnaek daengx dangj daengx guek. Aeu yung h lai cungj banhfap, guh ndei gaiq hong cujciz hagsib, cienzgangj gij cingsaenz cienzhohi, hawj daengx dangj daengx biengz rox daeuq gij cingsaenz cienzhohi. Aeu caencaen ca ndei gaiq hong daengzdaej doekguh gij cingsaenz cienzhohi, laemxsim mbouj bienq doinyoengx yiengh hwnghat coh ceiq ndei, gyavaiq cauhaeb aen gvaenghgaq hwnghat moq, doinyoengx daengxcungq yinzminz doengzcaez fouqmiz byaij ok yamqdin maenhsaet, engq ndei doengbuengz maeuzveh hwnghat caeuq ancienz, doengbuengz maeuzveh doicaenh gaiq hong hwnqguh ginghci caeuq gij hongsaeh gak aen lingyiz, cuknet giekdaj hawj daihdaej guhbaenz sevei cuji yendaiva.

Cienzhohi daegbied gangj daengz, guenj guek itdingh sien aeu

guenj dangj gonq, dangj hwnghat cijndaj guek ak. Guenj dangj ceih dangj yied raenhamq, gij baujcong ginghci sevei fazcanj couh yied mizrengz. Itdingh aeu ciengxlwenx dingjmaenh caeuq laemxsim guh roengz bae, dingjanz mbouj soeng bae doihaeuj gaiq hong cienzmienh yiemzhaeng guenj dangj, nyenghdingh guh gij iugouz aen dangj gag gaij bienq ndei doek daengz dieg bae, doicaenh ciengzseiz ciengzgeiz guhbaenz gij cozfung aen dangj, laemxsim mbouj bienq dwk ndei ciengz ciengq fanj nduknaeh, vih guhbaenz aen moegbiu ginghci sevei fazcanj mboengq "Cibhaj Haj" daezhawj baujcong maenhdt.

Cienzhohi faensik le gij hingzseiq caeuq hongsaeh dangnaj, daegbied gangj naeuz aeu laemxsim guhbaenz gij moegbiu ginghci sevei fazcanj daengx bi aeu guh. Aeu laebdaeb dawzcinj doekguh gij gezcwz baijbouh Dangjcunghyangh, roengzrengz onj couhnieb, onj giyez, onj hawciengz, onj yawhgeiz, onjmaenh aen buenzgoek ginghci, gyamaenh gya-gvangq aen seiqdaez ginghci dauq hwnj coh ndei. Hungzgvanh cwngcwz aeu lienzdaemh fatrengz, habseiz gyarengz, doekguh ndei gij cwngcwz bangfuz giyez, haeujlaeg hengzguh gaiq hong cienhangh guhhoengh siufei, lamx maenh diuz daejsienq "sam bauj" gihcwngz, engq rox onjdangq vaqgej gij fungyiemj dawzcaiq deihfueng cwngfuj.

Cienzhohi vixok, aeu caencaen ca ndei gaiq hong baujcong gwndaenj beksingq, lai miengloh vatok rengzndumj, gyarengz guh gaiq hong onj gangvei coi couhnieb, coicaenh gyoengq vnz cundeng ndaej onjdingh miz hong guh, lai roengzrengz cingj gij saeh yiemq cienzhong, gyarengz guh yiengh fugsah caezcaemh ceiq noix, gaijgez ndei gij vwndiz yinzminz ginzcong gaenjgip hojnanz youheiq deqmuengh gaijgez de. Ca ndei gaiq hong caihaih gvaqlaeng dauq coih dauq hwnq, anceiq caeuq baujcong gwndaenj gyoengq ginzcong deng cai gahraix, saedbauj gyoengq ginzcong deng cai raeurup gvaq doeng.

Cienzhohi daegbied gangj daengz, aeu guh ndei gaiq hong ancienz swnghcanj caeuq henhoh onjdingh, naenx ndaet naenx net diuz rap ancienz swnghcanj, yiemzhaeng doekguh gak hangh cidu gamguenj, baenzbaenz cungj aeu fuengzre caeuq

naenxhaed ok gij saehhux hungnaek, saehhux daegbied hungnaek. Gyarengz daj goek daengz byai gamguenj gijgwz gijgw. Haeujlaeg baizcaz vaqgej doxdawz doxceng, gyarengz cingjdaej fuengzhaed cianh ndawbiengz, ciuqfap dwkceih gak loih famhfap famhcoih. Gyarengz dazyinx ndei baklinx vnzlai, mizyauq fuengzre vaqgej gij fungyiemj yisiz hingzdai.

Cienzhohi gietdingh, dembouj Cangh Swnghminz guh boux fucjsiz Cunghgung Cunghyangh Ginhsw Veijyenzvei.

Cienzhohi ciuq gij gvidingh dangcangh, gietdingh dembouj Yiz Veivwnz, Maj Hancwngz, Vangz Gen, Vangz Hih, Vangz Yungjhungz, Vangz Dingzgaj, Vangz Sinhveij, Veiz Dauh, Dwng Yizvuj, Dwng Siuhmingz, Luz Hungz doengh boux veijyenz deqbouj Cunghyangh Veijyenzvei neix guh boux veijyenz Cunghyangh Veijyenzvei.

Cienzhohi saemjlnh caemhcaiq doenggvaq le faenh baugau Cunghgung Cunghyangh Gijliz Genjcaz Veijyenzvei saemjcaz gij vwndiz famh gijliz famhfap youqgaenj Dangz Yinzgen, Ginh Sienghginh, Lij Sizsungh, Yangz Fazswnh, Cuh Cihsungh, saemjlnh caemhcaiq doenggvaq le faenh baugau Cunghgung Cunghyangh Ginhsw Veijyenzvei saemjcaz gij vwndiz famh gijliz famhfap youqgaenj Hoz Veidungh, Myauz Vaz, Hoz Hungzginh, Vangz Siubinh, Linz Yangyangz, Cinz Sudungz, Yenz Vazci, Vangz Cunhningz, Cangh Funcungh, doekdingh gij cawqfaen Cunghyangh Cwngcigiz doekgonq guh ok haicawz Hoz Veidungh, Myauz Vaz, Dangz Yinzgen, Ginh Sienghginh, Hoz Hungzginh, Vangz Siubinh, Linz Yangyangz, Cinz Sudungz, Yenz Vazci, Vangz Cunhningz, Lij Sizsungh, Yangz Fazswnh, Cuh Cihsungh, Cangh Funcungh ok dangj.

Cienzhohi iuheuh, daengx dangj daengx ginh daengx guek gak cuz yinzminz aeu engqgya gaenjmaed doxgiat youq seighenz aen Dangj-cunghyangh aeu Siz Ginbingz dungzci guh goek neix, vih daihdaej guhbaenz sevei cuji yendaiva bae doengzcaez buekguh, mboujduenh haiok aen buenzmienh moq aeu gij yendaiva yiengh Cungguek bae cienzmienh doihaeuj aen saehnieb hungmbwk hwnqguh guekak, fukhwngh minzcuz.